



NORD- OG MIDHORDLAND JORDSKIFTERETT

Til kommunane i Nord- og Midhordland jordskiftesokn

Arkivnummer
422.7

Vår referanse

Vår dato
03.03.2020

Val av jordskiftemeddommarar til jordskifteretten for perioden 1. januar 2021 til 31. desember 2024

Det vert vist til brev frå Domstoladministrasjonen datert 18.12.2019 vedkomande val av jordskiftemeddommarar og skjønnsmedlemmer for perioden 01.01.2021 til 31.12.2024.

I medhald av jordskiftelova § 2-5, jf. domstollova §§ 64 og 65 begge andre ledd, vert kommunane med dette varsla om antal jordskiftemeddommarar med slik fordeling:

Kommune	Antall medlemmer
Bergen	30
Kvam	14
Bjørnafjorden	20
Samnanger	16
Austevoll	8
Øygarden	30
Askøy	12
Vaksdal	10
Modalen	6
Osterøy	12
Alver	30
Austrheim	8
Fedje	6
Masfjorden	10

Kvar kommune skal velje eit like antal menn og kvinner som jordskiftemeddommarar. Medlemmene i utvalet skal vere kunnige i saker som jordskifteretten i jordskiftesoknet til vanleg har.

Tradisjonelt har me flest saker med meddommarar i landbruksområder. Lensmannsskjønn som gjeld fast eigedom og rettigheter knytt til eigedom, er nå avvikla og kompetansen er overført til jordskifterettane. I enkelte saker kan jordskifte skje i kombinasjon med skjønn. Dette gjer at me også ynskjer auka skjønnskompetanse hjå meddommarane.

I slike tilfelle kan det være gunstig om me har enkelte jordskiftemeddommarar som også står i skjønnsmannsutvalet.



NORD- OG MIDHORDLAND JORDSKIFTERETT

Det er kommunen som skal fremme forslag til skjønnsmedlemmer som vert valde av fylkeskommunen. Det er ynskjeleg at om lag ¼-part av jordskiftemeddommarane òg står i skjønnsmannsutvalet.

Dei fleste av våre saker medfører synfaring i skog og mark. Meddommarane må difor ha normalt god helse og kunne ta seg fram i terrenget.

Som nemnt i brevet frå Domstoladministrasjonen skal valet gjennomførast innan 01.07.2020. Av domstollova § 69 går det fram kva lista over meddommarar skal innehalda. Me ber om at e-postadresse også vert ført opp og rapportert.

Utfallet av valet skal rapporterast til domstolane elektronisk i portalen.

Domstoladministrasjonen vil komme med informasjon om korleis dette skal gjerast.

Med helsing

Nord- og Midhordland jordskifterett

Thorbjørn Svane
jordskifterettsleiar